

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2019/92, 19.11.2019թ.

**Բողոք բերող անձ՝** «ՖլայՄի» ՍՊԸ

**Պատվիրատու՝** «Ավիաուսումնական կենտրոն» ՓԲԸ

**Գնման ընթացակարգի ծածկագիրը՝** «ԱՈՒԿ-ՄԱ-ԾՁԲ-19/10/20» մեկ անձ

**Գնման առարկան՝** «Ինքնաթիռի վարձակալություն անձնակազմի հետ միասին»  
ծառայության ձեռքբերում

**Բողոքի պահանջը՝** Պարտավորեցնել «Ավիաուսումնական կենտրոն» ՓԲԸ-ի կարիքների համար «Ինքնաթիռի վարձակալություն անձնակազմի հետ միասին» ծառայության ձեռքբերման համար մեկ անձից գնման ձևով ԱՈՒԿ-ՄԱ-ԾՁԲ-19/10/20 ծածկագրով գնման ընթացակարգի գնահատող հանձնաժողովին ընդունել որոշում՝ 2019 թվականի նոյեմբերի 18-ի N2 որոշումը վերացնելու և ԱՈՒԿ-ՄԱ-ԾՁԲ-19/10/20 ծածկագրով գնման ընթացակարգը չկայացած հայտարարելու մասին:

## **ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

### **ՔԱՐՏՈՒՂԱՐ՝ Ռ.ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ք. Երևան

19 նոյեմբեր 2019 թ.

ԳՆՈՒՄՆԵՐԻ ՇԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ

հասցե՝ ք. Երևան, Մելիք Ադամյան 1

ԲՈՂՈՔ ՆԵՐԿԱՅԱՅՐԱԾ ԱՆՁ

«ՖլայՄի» ՍՊԸ

իրավաբանական անձի գրանցման համար՝

286.110.1049874 / 2018-12-13, ՀՎՀՀ՝ 02688945

Գտնվելու վայրի հասցե՝ ք. Երևան, Թումանյան 23

տնօրեն՝ Մարիաննա Հակոբջանյան

ՀՀ անձնագիր՝ AR0412911

տրված 08.08.2017 թ. 007-ի կողմից

Հասցե՝ ք. Երևան, Բուրիկյանց փ. 21/2, բն. 2

լիազորված անձ՝ Էդգար Անդրեասյան

ՀՀ նույնականացման քարտ՝ 010594406,

տրված 07.09.2018 թ. 027-ի կողմից

Հասցե՝ ք. Արտաշատ, Բասկովի 101/1, բն. 2

Էլ. Հասցե՝ edgar.andreasyan@flyme.am

հեռ. 041 399 933

բողոքի բավարարման դեպքում վճարված պետական տուրքի

գումարի վերադարձի համար

«ՖլայՄի» ՍՊԸ-ի հաշվեհամարն է

«Ամերիաբանկ» ՓԲԸ, հ/հ 1570049903290100

Պատվիրատուի անվանումը և հասցեն՝

«Ավիաուսումնական կենտրոն» ՓԲԸ

հասցե՝ 0042, ք. Երևան, «Զվարթնոց» օդանավակայան



## ԲՈՂՈՔ

(ԱՌԻԿ-ՄԱ-ՇՁԲ-19/10/20 ծածկագրով գնման ընթացակարգի վերաբերյալ)

### 1. ԲՈՂՈՔԱՐԿՎՈՂ ԳՆՄԱՆ ԸՆԹԱՑԱԿԱՐԳԻ ԾԱԾԿԱԳԻՐԸ ԵՎ ԱՌԱՐԿԱՆ

Գնման ընթացակարգն իրականացվել է հետևյալ եղանակով՝ գնանշման հարցում, ծածկագիրը՝ ԱՌԻԿ-ՄԱ-ՇՁԲ-19/10/20:

Գնման ընթացակարգի առարկան է համարվել «Ավիաուսումնական կենտրոն» ՓԲԸ-ի կարիքների համար «Ինքնաթիռի վարձակալություն անձնակազմի հետ» ծառայության ձեռքբերումը՝ համաձայն հետևյալ տեխնիկական բնութագիր-գնման ժամանակացույցի՝

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ\*

ՀՀ դրամ

Ծառայության							
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափաև միավորը	ընդհանուր գինը/ՀՀ դրամ	ընդհանուր քանակը	մատուցման	
						հասցեն	Ժամկետը**

1	60421400/5	<p>Առարկան ուսումնական միաշարժիչ ինքնաթիռ: Ինքնաթիռի թռիչքային ժամերի քանակը առավելագույնը 201 ժամ 50 րոպե թռիչքային ժամ: Ինքնաթիռը պետք է համապատասխանի ներքոհիշյալ բոլոր պահանջներին:</p> <p>1. Ինքնաթիռը պետք է ունենա միջազգայնորեն ընդունված տիպի սերտիֆիկատ:</p> <p>2. Առավելագույն թռիչքային զանգվածը՝ 1500 կգ:</p> <p>3. Ուժային համակարգի քանակը՝ 1:</p> <p>4. Թռիչքային անձնակազմի տեղադրությունը՝ 2 օդաչու իրար կողք տեղավորված: Թռիչքների կառավարման համակարգը՝ 2 օդաչուների տեղից բնիչով կամ շտուրվալով, ուղղության դեկով, ոտնակներով:</p> <p>5. Ուղևորային տեղերի քանակը՝ նվազագույնը 2 հոգի:</p> <p>6. Թռիչքի բարձրությունը՝ ոչ պակաս 3000 մ:</p> <p>7. Վերթիռի հեռավորությունը՝ ոչ ավել 900 մ:</p> <p>8. Ինքնաթիռը պետք է համալրված լինի DME հեռավորության չափման դիստանցիոն համակարգով, VOR նավիգացիոն կայանով, մեկ GPS նավիգացիոն համակարգով, ADF ուղղության ինքնաշխատ որոնման սարքով, մեկ VHF ռադիոկայանով:</p>	դրամ	1	Ք. Երևան, 0042 «Զվարթնոց» օդանավակայան	25.12.2019թ
---	------------	--	------	---	--	-------------

	<p>9. Պետք է ապահովված լինի օդանավի շահագործման հնարավորությունը գետնի վրա արտաքին օդի ջերմաստիճանի ոչ պակաս -15-ից +35 աստիճանի պայմաններում:</p> <p>10. Շարժիչը մխոցային:</p> <p>11. Բաց տարածքում ինքնաթիռի պահպանման համար մատակարարման հավաքածուում պետք է ընդգրկված լինեն ծածկույթներ (չեխոյ) և փականներ:</p> <p>12. Ինքնաթիռը ուսումնական թռիչքներ իրականացնելու համար պետք է ունենա գործող և Հայաստանի Հանրապետության քաղաքացիական ավիացիայի կոմիտեի համար ընդունելի սերտիֆիկատներ (գրանցման և թռիչքային պիտանիության սերտիֆիկատներ, ադմուկի և ռադիոկայանի վկայականներ) և համապատասխան ուսումնական թռիչքներ իրականացնելու համար նախատեսված թռիչքային պիտանիության ապահովման պահանջներին:</p> <p>13. Ինքնաթիռը պետք է համապատասխան կարգով թույլատրված լինի շահագործման: Համապատասխան փաստաթղթերը դրված լինեն ինքնաթիռի փաստաթղթերի հետ:</p> <p>14. Մատակարարողը պետք է ապահովի ինքնաթիռի</p>					
--	---	--	--	--	--	--

		<p>տեխնիկական սպասարկումը:</p> <p>15. Մատակարարողը պետք է կրի հնքնաթիռի մատակարարման բոլոր ծախսերը, այդ թվում հնքնաթիռի ապահովագրության ծառայությունների, ժամանակավոր պահպանման, հնքնաթիռի առաքման, մաքսատուրքերի վճարման, ինչպես նաև ԱԱՀ-ի վճարումն իրականացնի իր սեփական միջոցների հաշվին:</p> <p>Մատակարարողը պարտավոր է պետական պատվիրատուին ապահովել բոլոր երաշխիքային պարտականությունների կատարումը, ավիացիոն տեխնիկայի և հնքնաթիռ արտադրողի, ներառյալ շահագործման փաստաթղթերի բոլոր փոփոխությունները:</p> <p>16. Ինքնաթիռի լիցքավորումը պետք է իրականացվի տվյալ տիպի հնքնաթիռի շահագործման</p> <p>ձեռնարկում նշված վառելիքով:</p> <p>17. Ինքնաթիռի անձնակազմը, ներառյալ օդաչու-հրահանգիչը, ուսանող-օդաչուն, ինչպես նաև երրորդ անձինք պետք է լինեն ապահովագրված:</p> <p>18. Մրցույթի մասնակիցը իր միջոցներով իրականացնում է հավելյալ ուսումնական վարժանք, եթե կատարվելու է նախորդ ուսումնաթիչքների ժամանակ օգտագործված «Դայմոնդ 40» հնքնաթիռի</p>				
--	--	---	--	--	--	--

		փոփոխություն հիմք ընդունելով ARM-AIR CREW GM 1 FCL.710 կանոնակարգը:  19. Մասնակիցը պետք է ապահովի ծրագրի շրջանակում թոյլքների կատարումը իր օդաչու- հրահանգչի միջոցով:					
--	--	---	--	--	--	--	--

2. ՎԵՃԻ ԱՌԱՐԿԱՆ, ԲՈՂՈՔԻ ՓԱՍՏԱՑԻ ԵՎ ԻՐԱՎԱԿԱՆ ՀԻՄՔԵՐԸ,  
ԱՊԱՅՈՒԹՅՆԵՐԸ.

Համաձայն մրցույթի հայտարարության՝ քննարկվող գնման ընթացակարգը «Ավիատուսումնական կենտրոն» ՓԲԸ-ի /այսուհետ՝ Պատվիրատու/ կողմից հայտարարվել է հիմք ընդունելով ՀՀ կառավարության 2018 թվականի դեկտեմբերի 27-ի N 1515-Ն որոշման մեջ լրացում կատարելու մասին 12 սեպտեմբերի 2019 թվականի N 1229-Ն որոշումը և ՀՀ կառավարության «Գնումների գործընթացի կազմակերպման կարգը հաստատելու և ՀՀ կառավարության 2011 թվականի փետրվարի 10-ի N 168-Ն որոշումն ուժը կորցրած ճանաչելու մասին» 4 մայիսի 2017 թվականի 526-Ն որոշման գնումների գործընթացի կազմակերպման կարգի (այսուհետ՝ Կարգ) 23-րդ կետի 4-րդ ենթակետի աղյուսակի 32-րդ ստորով:

Այսինքն, գնումն իրականացվել է մեկ անձով՝ հատուկ կամ բացառիկ իրավունքի հիմքով: Գնման հայտարարությունից բխում է նաև, որ այն հաստատվել է գնահատող հանձնաժողովի 2019 թվականի նոյեմբերի 18-ի N 2 որոշմամբ, այլ փաստաթղթեր բողոք բերող անձին հասանելի չեն:

Գնման հայտարարությունը և հրավերը հրապարակվել է gnumner.am կայքում, ինչպես նաև ներկայացվել է բողոքը բերող անձին՝ վերջինիս էլեկտրոնային հասցեին ուղարկելու միջոցով 18.11.2019 թվականին:

Համաձայն Կարգի 71-րդ կետի.

*«Մեկ անձից գնումների կատարման ժամանակ գործում են սույն կարգի 7-րդ բաժնով սահմանված պահանջները՝ հաշվի առնելով հետևյալ առանձնահատկությունները՝*

...



3) եթե գնումն իրականացվում է ... սույն կարգի 23-րդ կետի 4-րդ ենթակետի հիման վրա, ապա մասնակիցը՝

ա. հայտի, ինչպես նաև որակավորման և պայմանագրի (կանխավճարի) ապահովումներ չի ներկայացնում,

բ. ներկայացնում է միայն գնային առաջարկ:»:

Այսպիսով, համաձայն Կառավարության որոշման Պատվիրատուն մասնակցից կարող էր պահանջել միայն գնային առաջարկ:

«Գնումների մասին» ՀՀ օրենքի 7-րդ հոդվածի 6-րդ մասի համաձայն՝ Հրավերով սահմանվում են մասնակցի՝ տվյալ գնումներին մասնակցելու իրավունքը և որակավորումը գնահատելու չափանիշները, կարգը և դրա համար պահանջվող փաստաթղթերին (տեղեկություններին) ներկայացվող պահանջները:

Մինչդեռ, համաձայն Հրավերի պահանջների՝ Մասնակիցը հայտով **պետք է ներկայացնի** իր կողմից հաստատված **հայտարարություն** կնքվելիք պայմանագրի կատարման համար անհրաժեշտ տեխնիկական միջոցների առկայության մասին և **դրան կից**՝ կնքվելիք պայմանագրի կատարման ընթացքում օգտագործման ենթակա տեխնիկական միջոցների տվյալները, դրանց տեխնիկական անձնագրերի և այդ միջոցների նկատմամբ մասնակցի սեփականության կամ ժամանակավոր օգտագործման իրավունքը հաստատող **փաստաթղթերի պատճենները**:

Ստացվում է, որ հրավերով բացի գնային առաջարկից Պատվիրատուի կողմից պահանջվում են լրացուցիչ փաստաթղթեր, որոնք ներկայացնելու պարտականություն մասնակիցը չունի և որոնք ներկայացնելու պահանջի իրավունք Պատվիրատուն չունի:

Գնման ընթացակարգն իրականացվում է հրավերի հիման վրա և եթե սույն հրավերը կազմվել է իրավական նորմերի պահանջների խախտմամբ, ապա այն չի կարող իրականացվել օրենքով սահմանված կարգով, ընդ որում, եթե մասնակիցը առաջնորդվի իրավական նորմերի պահանջներով և ներկայացնի միայն գնային առաջարկ, ապա վերջինիս հայտը կմերժվի, քանի որ հայտը առերևույթ չի համապատասխանի հրավերին, թեկուզև այդպիսի պարտականություն իրավական նորմերով չէր կարող դրվել մասնակցի վրա: Հետևաբար, որպեսզի գնման ընթացակարգն իրականացվի օրենքով սահմանված կարգով, հնարավոր լուծում է համարվում այն չկայացած հայտարարելը և այնպիսի՝ մրցույթի հրավերի և հայտարարության հաստատումը, որը կբավարարի իրավական նորմերի պահանջները:

Արդյունքում խախտվել է վերը նշված իրավական նորմերը և բողոքը ներկայացնող անձի իրավունքները:

«Գնումների մասին» ՀՀ օրենքի 50-րդ հոդվածի համաձայն.

2. Եթե բոլորը ներկայացրած անձր բողոքարկում է՝

...

2) ... **հրավերի պահանջները, ապա բողոքը ներկայացվում է մինչև հայտերի ներկայացման վերջնաժամկետը:**

...

7. Գնումների հետ կապված բողոքներ քննող անձը՝

1) իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

...  
բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման»:

### 3. ԲՈՂՈՔ ԵՐԿԱՅԱՑՐԱԾ ԱՆՁԻ ՊԱՀԱՆՁՐ.

Հաշվի առնելով վերոգրյալը՝ գնումների հետ կապված բողոքներ քննող անձին՝

#### ԽՆԴՐՈՒՄ ԵՄ՝

«Ավիաուսումնական կենտրոն» ՓԲԸ-ի կարիքների համար «Ինքնաթիռի վարձակալություն անձնակազմի հետ» ծառայությունների ձեռքբերման համար մեկ անձից գնման ձևով ԱՌԻԿ-ՄԱ-ԾՁԲ-19/10/20 ծածկագրով գնման ընթացակարգի գնահատող հանձնաժողովին պարտավորեցնել ընդունել որոշում՝ 2019 թվականի նոյեմբերի 18-ի N 2 որոշումը վերացնելու և ԱՌԻԿ-ՄԱ-ԾՁԲ-19/10/20 ծածկագրով գնման ընթացակարգը չկայացած հայտարարելու մասին:

Կից ներկայացվում են՝

1. Բողոքարկման վճարը կատարած լինելը հիմնավորող փաստաթուղթը,
2. Ընկերության պետական գրանցման ռեգիստրի քաղվածքի պատճենը,
3. Ընկերության կանոնադրության պատճենը,
4. Ընկերության տնօրենի անձնագրի պատճենը,
5. Բողոք բերող անձի ներկայացուցչի լիազորագրի բնօրինակը,
6. Բողոք բերող անձի ներկայացուցչի նույնականացման քարտի պատճենը,
7. Մրցույթի հայտարարության և հրավերի պատճենները:

Հարգանքով՝

Բողոք ներկայացնող անձի լիազորված ներկայացուցիչ՝

Էդգար Անդրեասյան